

平津館鑒藏書籍記

平津館鑒藏記書籍卷三

陽湖孫星衍撰

江寧陳宗彝校刊

舊影寫本

聖宋皇祐新樂圖記三卷題朝奉郎前尙書屯田員外郎輕車都尉賜緋魚袋臣阮逸承奉郎守光祿寺丞充國子監直講同詳議修制大樂臣胡瑗奉聖旨撰後有直齋陳伯玉識稱嘉熙己亥良月借虎丘寺本錄蓋當時所賜藏之名山者也一切仿元本無毫釐差又有天厯二年吳壽民跋萬厯三十九年清常道人跋

琴史六卷題朱長文伯原前有元豐七年朱長文序末

有紹定癸巳姪孫正大跋巾箱本每葉廿二行行十

七字

凡從宋板影寫者俱載行數字數

余又以吳山尊侍講所藏至

正八年俞和手鈔本校正之收藏有南梧沈氏家藏  
朱文長方印春草閑房手定朱文方印璜川吳氏收  
藏圖書朱文方印惠棟之印白文方印定宇朱文方  
印紅豆書屋朱文方印士英上圓下方朱文小印吳  
氏珍翫白文長印

廣黃帝本行記一卷題唐閬州晉安縣主簿王瓘進新  
唐書藝文志作王瓘廣軒轅本紀三卷宋以後皆不  
著錄王瓘始末無考據書末云自黃帝乙酉至今大  
唐廣明二年辛丑歲計三千四百七十二年矣當是

僖宗時人

軒轅黃帝傳一卷不題撰人姓氏末有臣道一日亦未  
詳何人注中引有劉恕外紀當是宋人所作此與廣  
黃帝本行記其一冊錢氏讀書敏求記有此二書余  
得於巖長明侍讀收藏有壹是堂讀書記朱文方印  
神機制敵太白陰經十卷題唐都虞候李筌撰前有唐  
永泰四年秋河東節度使都虞候李筌進書序後有  
祕閣楷書臣羅士良謄御書祇候臣張永和監入內  
黃門臣朱永中監入內內侍高班內品臣譚元吉監  
入內內高班內品臣趙承信監末卷後有跋稱瑞南  
宋公先世有傳而得之以輔聖明知此本爲明人所

鈔 四庫全書本止八卷前缺天無陰陽地無險阻  
二篇又失卷八分野風角鳥情卷九遁甲卷十元女  
式等篇此本猶全

玉厯通政經二卷題唐太史令李淳風編輯前有李淳  
風序又有玉厯通政經引不著年月姓名宋史藝文  
志陳氏書錄解題俱作三卷此本二卷凡卅四篇

五變中黃經一卷不著撰人姓氏自釋已身至釋應期  
凡四十二章焦竑經籍志六壬類有此書作二卷五  
行章注稱今河中府龍門縣有寶鑒全書河中府爲  
唐時所置此書當爲宋人傳鈔舊帙 四庫全書本  
亦作二卷自釋已身至疾病爲正經釋盜賊至來意

爲後集此本不分卷數來意第九疾病死生第廿二  
疾病形症第廿三賊盜第廿五編次尙未變亂收藏  
有東啟朱文方印

奇門遁法一冊無卷數前有廿四氣圖陽遁九局圖陰  
遁九局圖淳祐辛丑郭子晟序稱集胡舜申陰陽備  
用鄒慶長樞要及經國書爲一此書卽子晟所撰

華陽國志十二卷前有嘉泰甲子李炘序炘守臨邛時  
所鈔缺四卷五卷六卷三卷較今世所行本多卷十  
上卷十中兩卷卷十下漢中士女傳亦多出贊詞數  
語收藏有季振宜印朱文方印滄葦朱文方印

臨安志六卷不題撰人名前後亦無序跋書中稱引止

於淳祐十一年并稱今上御書咸淳臨安志引淳祐  
臨安志皆核與此本相同此當卽施鶚所撰淳祐臨  
安志也書僅城府山川兩類其小序曰城府第三山  
川第四前後當有缺卷此題卷一至卷六影寫者改  
之以欺世耳每葉十四行行廿字

新定嚴州續志十卷前有景定壬戌方逢辰序末卷後  
題編纂銜名浙漕進士州學學錄方仁榮迪功郎差  
充嚴州州學教授兼釣臺書院山長鄭瑤嚴州紹興  
中本有舊志此編所紀始於淳熙訖於咸淳標題曰  
新定續志者蓋附刊在紹興舊志之後

南嶽總勝集三卷前有隆興甲申拙安序隆興改元陳

田夫耕爰序此書卽耕爰所撰晁氏讀書志有此書  
衡山名蹟峯巒寺觀高僧異人莫不纂錄前有南嶽  
總勝圖每葉廿行行廿字

外臺祕要方四十卷題朝散大夫守光祿卿直祕閣判  
登聞檢院上護軍臣林億等上進前有天寶十一載  
王燾自序宋孫兆校正外臺祕要方序皇祐三年內  
降劄子後列富弼曾公亮趙抃王安石林億孫奇高  
保衡等銜名目錄并每卷後有趙子孟張寔校勘裴  
字元校正銜名據孫兆校正序唐王燾撰外臺祕要  
方四十卷自唐列五代傳寫其本譌舛國家詔儒臣  
校正醫書臣承命以其書方證之重者刪去以從其



簡經書之異者注解以著其詳然則叢書孫兆已有  
更改此從宋刊本影寫明程衍道重刊本刪內降劄  
并後銜名細注按語亦多不同收藏有王文鐸印白  
文方印伯振字朱文方印

洗冤集錄一卷目錄題朝散大夫新除直祕閣湖南提  
刑充大使行府參議官宋慈惠父編前有淳熙丁未  
宋慈序稱四叻臬寄博採近世所傳諸書自內恕錄  
以下凡數家會粹釐正增以已見總爲一編名曰洗  
冤集錄刊於湖南憲治自條令至驗狀說凡五十四  
條前有頒降新例五條後有續附無冤集錄六條皆  
元時刑司所附

續資治通鑑長編一百八卷前有乾道四年進書表附錄文獻通考等書紀載長編故事一卷目錄一卷書起太祖建隆元年正月終英宗治平四年閏三月內又分出重卷實則一百七十五卷也 四庫全書稱康熙初崑山徐乾學始獲其本於泰興季氏凡一百七十五卷嘗具疏進之於 朝卽此本也此書卷帙繁多燾隨時寫進故傳本卷數多不同據文獻通考隆興元年進本自建隆迄開寶其十七卷乾道四年進本自建隆迄治平四年閏三月共一百八卷淳熙元年進本自治平以後至中興以前共二百八十卷至淳熙九年重寫進本共九百八十卷又有修整事

目錄十卷舉要六十八卷總目五卷凡四種共一千六十三卷此卽乾道四年進本也

新刊監本大字冊府元龜一千卷題推忠協謀同德守  
政佐理功臣使特進行吏部尙書檢校太尉同中書  
門下平章事修國史上柱國太原郡開國公食邑七  
千戶實封二千八百戶臣王欽若等奉敕纂前有序  
修書始末目錄十卷分自帝王至外臣卅一部每部  
有總序又分子目一千一百四門每門有小序景德  
二年詔修至祥符六年始成玉海此書有音義十卷  
今傳寫已佚所采各書不載書名不及太平御覽之  
善惟五代事跡頗足補歐薛二史所未備世亦以此

重之

朝野類要五卷題文昌趙昇集錄自班朝至餘紀凡廿類每類又分小目書作於理宗端平三年收藏有開萬樓藏書印朱文長方印

大金集禮四十卷不題撰人姓氏前後亦無序跋據黃虞稷千頃堂書目明昌六年禮部尚書張瑋等所進原闕第廿六卷第卅三卷第六卷悼平皇后篇第廿七卷立仗篇第十二卷至十七卷俱有闕文

古玉圖譜卅二冊題銀青光祿大夫上柱國翰林學士承旨檢校禮部尚書開府儀同三司永興郡開國公食邑七百戶實封三百戶提舉嵩山崇福宮使賜紫

金魚袋臣龍大淵等奉敕編纂前有乾道元年龍大淵等古玉圖譜序後列奉敕編纂校閱排次寫圖設色裝潢銜名又有至大元年柯九思後序 四庫全書存目有古玉圖譜一百卷題宋龍大淵等奉敕撰稱諸臣修書職銜有總裁副總裁之名又稱大淵於乾道四年死此書作於淳熙三年在大淵死後九年皆與此本不同此本爲宋時原進官本尙未經後人改造變亂洵可寶也

蘭亭博議一卷前有開禧元年高文虎序後有陸樗跋俱不言卷數陳氏書錄解題蘭亭博議十五卷淮海桑世昌澤卿撰蘭亭考十二卷卽前書浙東庾司所

刻視初本頗有刪改初十五篇今存十三篇去其集  
字篇附見篇其書始成本名博議高內翰文虎爲之  
序葉適水心集亦有蘭亭博議跋此本僅一卷共卅  
五葉分本序詩睿賞紀原八法臨摹審定推評習法  
詠贊傳刻集字釋襍十三類首尾尙爲完具桑氏先  
成博議後改作蘭亭考此本或出於初定或後人節  
鈔今十五卷之本已亡無可考證矣

北堂書鈔一百六十卷題祕書郎虞世南撰前有文獻  
經籍考題語一葉目錄一卷此書今世所行惟有陳  
禹謨刪改本此本猶從宋本摹鈔絕不易得惟字畫  
譌舛幾於不可句讀陳禹謨凡例所引武功部車部

酒食部闕篇以及黃泉出楚宋汝疾有反諸譌字俱

與此本相同

洪頤煊曰讀書敏求記云聞嘉禾收藏家原有書蒐訪十餘年而始得繕寫精

妙緝閱之心目朗然當勝於此本

收藏有南泉白文長印紐佩齋清

賞印朱文長印雲章閣收藏圖籍印朱文長印

全芳備祖前集廿七卷後集卅一卷題天台陳景沂編

輯建安祝穆訂正前有寶祐元年韓境序寶祐丙辰

景沂自序稱江淮肥遯愚一子卷中又有題作天台

陳先生類編花果卉木全芳備祖江淮肥遯愚一子

陳景沂編輯參錯不齊當是其原刻如此收藏有西

浦樓嚴敬思朱文長印西浦藏書朱文長方印開萬

樓藏書印朱文長方印

唐四傑詩集四卷楊炯王勃盧照鄰駱賓王各一卷前有景德四年汪楠序每卷不標大題惟題作人姓名又楊王盧詩前無目駱賓王詩前有之此本從北宋本影摹序文後有琴泉生三字世恩堂三字汪良用印四字影摹墨印巾箱本每葉廿六行行十九字每葉左方上有錢遵王述古堂藏書八字收藏有吳元潤印白文方印澤均朱文方印長洲吳謝堂氏香雨齋珍藏書畫印朱文方印

沈下賢文集十二卷題吳興沈亞之下賢前有元祐丙寅序不題姓名錢氏讀書敏求記作廿卷又丙寅作丙申皆傳寫誤也王漁洋池北偶談所見本有萬曆



丙午徐渤跋云鈔諸焦太史者後附張祐杜牧李商  
隱三詩此本無之

司空表聖文集十卷題司空圖字表聖大題下又題一  
鳴集前有光啟三年司空氏自序陳氏書錄解題一

鳴集十卷蜀本但有雜著無詩此本前後八卷俱題

雜著唯五六兩卷題作碑

洪頤煊曰卷七雜著中有  
復安南碑不應此二卷獨

題作碑當由  
後人誤改

卽陳氏所見之本

禪月集廿五卷題浙江東道婺州蘭溪縣和安寺西岳  
賜紫蜀國禪月大師貫休述前有己未歲翰林學士  
吳融序後有門人曇域後序二篇嘉熙四年婺州重  
刊題字嘉熙戊戌周伯奮跋嘉熙戊戌童必明跋附

載楊傑江衍詩三首末有正德九年吳中布衣柳僉  
大中手鈔題識并詩一首禪月集曇域刊於乾道五  
年嘉熙中可燦復刊於婺州此本乃柳僉從可燦本  
影寫明毛晉刊有補遺一卷在此本之後矣收藏有  
葉氏葉竹堂藏書朱文圓印

徐騎省文集卅卷前有天禧元年胡克順進徐騎省文  
集表并批答淳化四年陳彭年序行狀墓誌銘祭文  
挽詩大中祥符元年晏殊後序紹興十九年明州重  
刊徐琛跋鉉集爲其壻吳淑所編天禧中都官員外  
郎胡克順得其本於陳彭年刊刻表此從明州重刊  
本影鈔卷數與晁氏讀書志陳氏書錄解題同

王黃州小畜集卅卷前有紹興戊辰沈虞卿序後有紹

興十七年黃州刊書契勘銜名

洪頤煊曰未記印書紙并副板四百四十

八張表稍碧紙一十一紙大紙八張共錢二百六文足貨板機墨錢五百文足裝印工食錢四百三十文足除印書紙外共計錢一千一百三十六文足見屍成出賣每部價五貫文可省宋時印書工價如此氏讀書志陳氏書錄解題小畜集卅卷有王禹偁自序書錄解題本又有外集廿卷此本皆無之此從南宋黃州刊本影寫每葉十六行行廿三字

乖崖先生文集十二卷前有宣教郎知鄂州崇陽縣主

管勸農營田公事天台郭森卿序乖崖集宋刻有兩

本趙希弁讀書附志本十卷書錄解題本十二卷稱

郭森卿宰崇陽刻此集舊本十卷今增廣并語錄爲

十二卷卽此本也 四庫全書乖崖集十二卷附錄一卷在此本之後收藏有隨處體認白文方印疏窗蔭綠筠朱文圓印細嚼梅花讀杜詩白文長印戶映花叢當下簾白文方印

東觀集七卷題宋魏野仲先著前有天聖元年薛田鉅鹿東觀集序稱其子閑出所著新舊詩四百篇彙爲七卷 四庫全書本作十卷薛田序四百篇四改作三又別有補遺三卷本皆後人重改此從宋本影寫每葉十二行行十四字

徂徠文集廿卷題徂徠石介守道目錄一卷每卷前又各有目錄末附歐陽文忠所撰墓誌銘一首詩二首

書中有祖宗朝廷等字俱空一格知從宋本影寫  
四庫全書徂徠集廿卷無附錄三篇第四卷闕寄元  
均叔仁讀易堂永軒暫憩四詩此本俱完收藏有隨  
處體認白文方印疏窗蔭綠筠朱文圓印戶映花叢  
當下簾白文方印

青山集六卷題當塗郭祥正字功父前後無序跋 四  
庫全書青山集卅卷續集七卷此本古詩二卷近體  
詩四卷卽王漁洋居易錄所見閩謝氏寫本收藏有  
新安汪氏朱文方印啟淑信印白文方印

陵陽先生詩四卷次行題江西詩派三行題中書舍人  
韓駒子蒼書中祖宗朝廷等字俱空格當是宋刊江

西詩派中之一種每葉廿行行十九字收藏有宋筠  
朱文方印蘭揮氏白文方印吳元潤印白文方印謝  
堂朱文方印香雨齋吳氏珍藏圖書朱文長印香雨  
齋朱文圓印

雪溪詩五卷題穎人王銍宋史藝文志陳氏書錄解題  
銍詩俱作八卷此本止五卷影寫原本字多殘闕收  
藏有吳元潤印白文方印澤均朱文方印長洲謝堂  
吳氏香雨齋珍藏印朱文長印宋氏蘭揮藏書善本  
白文長印筠朱文圓印蘇松庵白文方印雪苑宋氏  
蘭揮藏書記朱文長印

玉瀾集一卷題新安朱棣逢年撰前有淳熙辛卯尤袤

序稱棹有兄曰韋叅韋叅之子南康使君今又以道學倡韋叅爲朱文公父松別號此卽文公之叔也明宏治中鄺氏嘗取玉滿集附刊於韋叅集之後此本單行猶是宋時舊帙收藏有隨處體認白文方印細嚼梅花讀杜詩白文長印疏窗蔭綠筠朱文圓印戶映花叢當下簾白文方印

方是閒居士小藁二卷前有嘉定戊寅趙必愿序後有嘉定丁丑劉學箕記游柳方陳以莊劉璫三跋此編卽劉學箕所撰據四庫全書本前尙有建陽劉淮東里趙蕃兩序此本無之又稱宋時已鋟板因兵亂散失元至正辛丑其裔孫名張者復重刊之此本無

重刊題識或所失二序中言之或卽是宋鈐原本巾  
箱本每葉廿行行廿字卷首有影摹家住花谿石蕖  
南園印門無剝啄松影參差禽聲上下午睡初足方  
印

馬石田文集十五卷附錄一卷前有至元五年江北淮  
東道肅政廉訪司請刊馬祖常文集文錄後列廉訪  
使阿合馬等銜名至元五年王守誠序至元五年蘇  
天爵序應奉翰林陳旅序因治癸丑李東陽序因治  
六年張頤序康熙二十九年王士禎題字此集始刊  
於至元五年讀書敏求記稱其雕刻精妙此又從明  
因治中山西按察使熊騰霄刊本影鈔者也收藏有



五硯樓朱文長印袁又愷藏書朱文長印五硯樓袁氏收藏金石圖書印朱文方印

圭塘欵乃集一卷前有至正十年周伯琦序後有汴段天祐周溥至正辛卯哈刺台天台丁文昇臨川黃暉鎮陽張守正金臺王翰浚儀王國寶洹濱九跋又有山東陸煥然襄邑趙恒詩二首此集本安陽許有壬與其弟有孚子楨客馬明初唱和之作圭塘者其別業也在相城西二里凡詩二百八十五首末洹濱跋稱右倡和集一帙江湖友人躬錄而裝潢者廿八年兵後所存唯此本爾當是明人所題每葉廿行行十八字收藏有海寧查聲山名昇印白文方印太史之

章朱文方印璜川吳氏收藏圖書朱文方印吳省蘭  
印白文方印稷堂朱文方印

續夷堅志前後集二卷題太原元好問裕之纂前集目  
錄後有甞竄空題識後集目錄後有至順三年石巖  
民瞻題識末有金史元遺山傳又有至正戊子吳下  
王東吳道輯孫道明三跋王東跋稱予鈔北地聚本  
續夷堅志四冊至正戊子武林新刻金史遺山先生  
傳附於所書之後孫道明於至正癸卯又從王本借  
錄末有微峯乾隆三年筠墨筆題識知是宋牧仲家  
舊本收藏有吳元潤印白文方印謝堂朱文方印香  
雨叁吳氏珍藏圖書朱文長印

影寫本

春秋分記九十卷題宋程公說誤前有淳祐三年游侶  
序開禧二年程公說自序淳祐三年程公許序又劉  
光祖所撰程公說墓志銘例要一卷目錄一卷書分  
年表九卷世譜七卷名譜二卷書廿六卷天王二卷  
內魯六卷晉齊以下世本廿六卷次國二卷小國七  
卷四夷附錄三卷揚州馬曰璐家所藏影宋鈔本作  
春秋分紀此作分記與書錄解題本同

樂書二百卷目錄一卷題迪功郎建昌軍南豐縣主簿  
林宇冲校勘前有慶元庚申楊萬里三山陳先生樂  
書序宣德郎祕書省正字陳暘進樂書表并序一篇

又建中靖國元年牒并議詔勅爲一卷此本目錄篇題行款俱與元本少異又中多闕葉余因以元本補鈔完足

晏子春秋八卷前有目錄劉向校上晏子奏每篇又分小篇目列於每卷之首總二百十五章盧氏羣書拾補稱吳槎客示余元人刻本其每卷首有總目又各標於當篇卽此本每葉十八行行十八字

虎鈴經二十卷前有許洞上虎鈴經表許洞自序稱創始於辛丑之初成於甲辰之末其書二百十篇分爲廿卷今本老人星第一百五十七至鵲尾第一百六十八十二篇止有圖八而闕其四又闕回兵文第二

二百十篇末有徐達沐英等戰事不完五葉是明人所附

靈臺祕苑十五卷不題撰人姓氏前有看詳官王安禮歐陽發編修官丁洵于大吉四人銜名末有天體地體日月經緯星說不在卷未知何人所附 四庫全書本題作北周庾季才原撰宋人重修卷一步天歌星俱有圖此本無之

大唐開元占經一百二十卷目錄二卷題銀青光祿大夫太史監事門下同三品臣瞿悉達等奉敕修撰前有萬厯丙辰程明善跋稱南北靈臺俱無藏本余因布施裘金得此書於古佛腹中不知藏於何代錄於

何人又有萬厯戊午兄明哲跋 四庫全書本卷首  
有萬厯丁巳張一熙識語謂是書厯唐迄明約數百  
年始得之挹元道人此皆同時傳鈔之本而此本稍  
詳

乾象通鑑一百卷前有星宿總說一篇古變異一卷目  
錄一卷後題河間府免解進士李季奉聖旨又有季  
進呈序玉海引繫年錄初河間府進士李季集天文  
諸書號乾象通鑑建炎四年六月癸酉命婺州給札  
上之錢氏讀書敏求記有此書

乾道臨安志三卷題吳興周淙彥廣撰前有杭世駿厲  
鶚兩跋稱書錄解題周淙臨安志十五卷此本僅卷

一至卷三乃孫晴崖得宋槧本於京師故家因鈔錄以傳實不完本也 四庫全書所錄卽此本宋槧本但題作臨安志乾道二字是後人所加

輿地紀勝二百卷題東陽王象之編前有嘉定辛巳王象之自序寶慶丁亥李重序此本從宋板影摹每葉廿行行廿字左右欄線外俱標卷數篇目缺卷十三至十六卷五十一至五十四卷一百廿六至一百廿八卷一百卅六至一百四十四卷一百六十八至一百七十四卷一百八十五至二百共卅五卷

咸淳臨安志一百卷前有潛說友序此編卽說友咸淳庚午以中奉大夫權戶部尙書知臨安軍府事時所

撰末有朱彝尊盧文弨兩跋稱是書海鹽胡氏常熟  
毛氏所藏宋槧本止八十卷朱氏鈔補十三卷盧氏  
又鈔補二卷惟六十四九十暨最末三卷闕焉 四  
庫全書本九十三卷卽朱氏鈔本也

重修毘陵志三十卷前有咸淳四年史能之序此書舊  
無完本錢辛楣少詹始借各本鈔足成之惟闕第廿  
卷吳縣袁上舍廷禱錄以贈予末有吳翌鳳張德榮  
暨少詹三跋

吳郡文粹十卷題蘇臺鄭虎臣集前後無序跋 四庫  
全書本作九卷此書全依吳郡志錄寫詩文疑是坊  
賈所作非虎臣原書



華氏中藏經三卷前有應靈洞主探微真人少室山鄧處中序稱華先生化未六旬爲魏所戮余乃先生外孫也因弔先生寢室夢先生引余坐語中藏經眞活人法也子可取之勿傳非人余覺獲石函一具開之得書一帙乃中藏經也宋史藝文志誤作黃氏中藏經一卷靈寶洞主探微真人撰陳氏書錄解題有此書亦作一卷此本卷上第十篇性急則服急以下及下卷爲趙孟頫手書張太史錦芳所藏第十篇以上及中卷余以明江澄中刻本補寫成之

素問六氣園珠密語十卷題唐啟園子述前有五運六氣數訣大唐麟德元年啟園子王冰序稱乃園珠子

密而口授之言也又王冰內經序云別撰園珠以陳其道林億等校正云詳王氏園珠世無傳者今有園珠十卷蓋後人附託之文雖非王氏原書亦於素問第十九卷至廿二四卷頗有發明

廣成先生玉函經并序一卷題傳真天師特進檢校太傅太子賓客主管大學士戶部侍郎徽國公廣成先生杜光庭盱江水月黎民壽分生死歌決上中下三篇前有小序案杜光庭玉函經唐宋史志俱不載唯錢氏讀書敏求記有杜光庭了證歌一卷云謹傍難經各推了證歌爲之以決生死此本序云謹傍難經畧依決證迺成生死歌決一門疑卽此書黎民壽校

注亦未詳何時人

王氏百一選方八卷題宋王璆著前有皇統四年楊用道序陳氏書錄解題有晉葛洪肘後百一方三卷宋王璆增修至卅卷卷帙繁重金楊用道乃復錄其方分以類例而附於百一隨證之下目之曰百一方余別有明李枋所刻題作葛仙翁肘後備急方其實同一書也

皇朝編年備要卅卷題壺山陳均編前有陳均自序紹定二年眞德秀序林岳序紹定己丑鄭性之序凡例一卷引用諸書二葉目錄一卷陳氏書錄解題云陳均所撰有皇朝編年舉要卅卷備要卅卷舉要者綱

也備要者目也二書本合爲一此本每卷編年下空  
二格當是舉要二字別本又題作宋九朝編年備要  
孔氏祖庭廣記十二卷前有正大四年襲封衍聖公五  
十一代孫元措祖庭廣記序正大四年張行信題辭  
又有宣和六年四十七代孫傳祖庭雜記舊引元豐  
八年四十六世孫宗翰家譜舊引家譜與雜記本各  
自爲書元措始合爲一增益門類冠以圖象十二因  
祖庭之名改稱廣記又前有正大四年刊書銜名後  
有大蒙古國壬寅年重刊題壬寅宋理宗淳祐二年  
也每葉廿二行行廿字

大唐開元禮一百五十卷前有序文附錄新唐書禮樂

志及文獻通考諸條陳氏書錄解題作唐集賢院學士蕭嵩王仲邛等撰附錄引集賢注記開元禮序例三卷吉禮七十五卷賓禮五卷嘉禮四十卷軍禮十卷凶禮廿卷此本賓禮二卷并序例三卷爲百五十卷又軍禮在嘉禮之前俱與集賢注記異

祕書志十一卷目錄一卷題承務郎祕書監著作郎王士點承事郎祕書監著作佐郎商企翁編次前有至正二年文牒書分職制至題名凡十九門皆紀元祕書監故事每葉十八行行十六字

寶刻叢編廿卷題錢唐陳思纂次前有紹定二年元鶴山翁序紹定五年孔山居士序紹定辛卯陳伯玉父

序又有一序已闕其半目錄後有近人程炎跋稱予  
得璜川吳氏本蓋從天一閣范氏本影鈔缺譌校他  
本爲善今年四月借帶湖沈中翰藏本又借稷堂吳  
編修本繕寫成帙卷內大半脫落亥豕魯魚其誤甚  
多與璜川本大相逕庭此本卽程氏續鈔之本其闕  
卷闕葉視四庫全書本又甚

蘭亭續考二卷題吳山俞松末有淳祐甲辰自跋嘉靖  
乙卯姚若跋康熙丁亥金風亭長跋稱俞氏續考刊  
本未之見蓋求之廿載始得傳鈔收藏有安麓邨藏  
書印朱文長印

太平御覽一千卷題翰林學士承旨正奉大夫守工部

尚書知制誥上柱國隴西縣開國伯食邑七百戶賜  
紫金魚袋臣李昉等奉敕纂前有圖書綱目一卷目  
錄十卷總目二葉慶元五年蒲叔獻序李廷允跋此  
書世無善本吳門周明經錫瓚藏有明文淵閣殘宋  
本三百六十卷黃孝廉丕烈藏有明季舊鈔本闕一  
百十五卷孫茂才衡亦藏有不全影宋本余屬何上  
舍元錫合鈔成書尙其闕六十五卷以明刊本鈔補  
雖視黃正色本較爲完善然譌舛處終不免余嘗欲  
釀金梓之而未能也

蔡中郎文集十卷外傳一卷題漢左中郎將蔡邕伯喈  
撰前有天聖癸亥歐靜序此卽從前蘭雪堂活字銅

板本影寫唯前本正德乙亥春三月錫山蘭雪堂題  
識兩行前本在目錄後上半葉此本在下半葉又脫  
正德二字行款俱同前本此本板心上有蘭雪堂三  
字

鮑氏集十卷前有散騎侍郎虞炎鮑照集序晁氏讀書  
志虞炎唐人每卷前俱有目錄卷一卽在序文後不  
另葉起 四庫全書朱應登十卷刊本行路難第七  
首蹲蹲字下注云集作樽樽椀字下注云集作逐此  
本正作樽樽逐字宋諱俱有缺筆是從宋刊本影寫  
每葉廿行行十六字

王無功集三卷前有唐呂才東臯子集序末有近人余



蕭客跋稱從北宋本錄出讀書敏求記云今世罕傳  
清常道人從金陵焦太史本錄出亦卽此三卷之本  
巾箱小字本每葉十八行行十六字

華陽陶隱居集二卷題昭臺弟子傳霄編大洞弟子陳  
桷校勘此從道藏本影寫上卷有尊一下卷有尊二  
字號陶宏景集隋唐志俱作卅卷此本不知何時編  
集唐宋藝文志晁氏讀書志陳氏書錄解題讀書敏  
求記 四庫全書俱不載每葉十行行十七字

樂府雅詞三卷拾遺二卷前有紹興丙寅曾慥序後有  
朱竹垞曝書亭題跋曾慥原編卅四家書止五卷文  
獻通考引陳氏書錄解題作十二卷是傳寫之誤

外藩本

孝經一卷日本刻本分經一章傳十四章前有從一位  
政家大相國冬良關白尙通內大臣尙基權大納言  
親長正二位爲富正二位教秀權大納言允三議  
基富右中辨宣秀前大僧正良法十一人草書題字  
末有寶永三年大頭藤信篤孝經跋寶永三年當康  
熙四十五年每幅八行行十二字面葉鐫題天下至  
寶萬世不易人倫孝道經

孝經鄭注一卷影寫本前有序文題癸丑之秋尾張岡  
田挺之撰末有跋云右今文孝經鄭注一卷羣書治  
要所載也其經文不全者據注疏本補之以便讀者

寬政癸丑之秋尾張岡田挺之職書林片野東四郎梓別葉有寬政六年寅正月書林題字又書目三種寬政六年當乾隆五十九年孝經鄭注久亡彼國此本以經典釋文并諸書所引較之尙多殘脫

樂書要錄三卷影寫本新唐書藝文志武后樂書要錄十卷宋以後俱不見著錄此本亦僅存五六七三卷末有己未仲秋天瀑跋

羣書治要五十卷影寫本題祕書監鉅鹿男臣魏徵等奉敕撰前有魏徵羣書治要序又有天明七年國子祭酒林敬信序天明五年尾張國校督學臣細井德民考例皆日本人天明五年當乾隆五十年玉海引

魏徵羣書治要序與此本同其所引子書多近今闕佚之本缺第四第十三第廿共三卷

兩京新記一卷影寫本題唐韋述撰新唐書藝文志韋述兩京新記五卷宋志猶著錄不知亡於何時彼國僅第三卷卷首又闕數葉末有己未天瀑跋

王翰林集注黃帝八十一難經五卷影寫本題盧國秦越人撰呂廣丁德用楊元揅虞庶楊康侯注解王九思王鼎象石友諒王惟一校正附音釋前有楊元揅序文獻通考引晁氏陳氏書目呂楊注八十一難經五卷丁德用注難經五卷虞庶注難經五卷此本又明王九思所集各家書目皆不載末有癸亥天瀑跋

文館詞林四卷影寫本題中書令太子賓客監修國史  
因文館學士上柱國高陽郡開國公臣許敬宗等奉  
勅撰新唐書藝文志文館辭林一千卷許敬宗劉伯  
莊等撰宋志存詩一卷此卷亦僅六百六十二六百  
六十四六百六十八六百九十五詔令四卷然所採  
皆正史暨各家文集所未載末有庚申天瀑跋又前  
有佚存叢書寬政辛酉天瀑跋此與樂書要錄兩京  
新記李嶠雜咏皆嘉慶六年彼國所刻叢書本也  
李嶠雜咏二卷影寫本前有唐天寶六載張庭芳序自  
乾象至玉帛十二部每部十首共百廿首全唐詩李  
嶠集本有此詩中多缺句此本俱完末有己未天瀑

跋

平津館鑒藏記書籍卷三終

平津館鑒藏記書籍補遺

陽湖孫星衍撰

江寧陳宗彝校

宋版

魯齋書疑九卷前有寶祐丁巳王柏自序次定書篇目  
次書疑目錄柏此書直取經文或刪或補重爲編定  
變亂妄作久爲通人詬病此本尙是宋時所刻黑口  
版每葉廿二行行廿一字收藏有古香齋朱文小長  
印上南小隱朱文方印草堂白文方印

纂圖互注南華真經十卷題晉郭象子元注唐陸德明  
音義前有郭象序莊子太極說周子太極圖說互注  
等字亦用黑蓋子別之與巾箱本行款式樣無異而

刻略在後板心間有張輝刊三字收藏有汝範之印  
朱文方印

元版

樂書二百卷目錄一卷題迪功郎建昌軍南豐縣主簿  
林宇冲校勘前有慶元庚申楊萬里三山陳先生樂  
書序陳暘進樂書表并序一篇建中靖國元年牒并  
議詔敕一卷慶元己未三山陳岐跋後有林宇冲題  
識稱暘進樂書建中靖國初給筆札繕寫以進儲之  
祕府史君陳先生得其家藏副本令子冲校勘以廣  
其傳

洪頤煊曰跋文稱子冲跋後并目錄前題俱作  
林宇冲當係重刊之謬明凌迪知萬姓統譜林  
子冲字通卿之奇從子淳熙中登進士第初爲南豐  
簿時郡守陳岐欲修二陳禮樂書以子冲大儒之後



延以特榻子沖隨文釋義補闕訂謬書成周必大楊萬里皆稱其精密內府所藏嘉泰二年本亦作子

沖此本作字此本筆畫工整而宋諱字俱不缺筆又

楊萬里序藝祖眞宗等字皆空格而不跳行當出於

後人重刊 天祿琳琅有嘉泰二年樓鑰序刊本稱

其中多俗字此本正與之同每葉廿六行行廿六字

收藏有弱侯讀書記白文長印毛晉朱文聯印汲古

主人朱文方印甲字朱文方印宋本朱文橢圓印

老子膚齋口義二卷題須溪劉辰翁會孟下卷題作須溪劉辰翁點

校膚齋爲宋林希逸號希逸紹定間進士官中書舍

人萬姓統譜作獻齋所著有老莊列口義此特其一

種耳老子依纂圖互注本分八十一章而又以首句

爲章名與纂圖本異注先解釋其義後又題林曰別之然則前注非庸齋作也劉須溪評語羈入注中俱用黑蓋子正文字旁俱有圈點巾箱黑口版每葉廿二行行十八字收藏有水東草堂白文方印

傷寒論注解十卷題仲景述王叔和撰次成無已注解前有甲子洛陽嚴器之序目錄一卷圖解運氣圖說一卷後有孝口木方印東山鼎式木印大德甲辰歲孝永堂重刊木長印每卷後俱有釋音卷七卷八本令爲一卷錢少詹日記鈔所見毛氏影金刻鈔本小字密行前有皇統甲子洛陽嚴器之大定壬辰龜池合魏公衡武安王絳三人序後有冥飛退翁王鼎序

又別是一本黑口板每葉廿四行行廿四字收藏有古婁龔生白文方印

通志二百卷前有總目一卷總序一篇下題右迪功郎鄭樵至治壬戌吳繹序下有繹可堂吳氏兩木方印至治元年福州路總管可堂吳繹通志疏後有至治二年九月印造福州路總管府所委提調官福州路錄事司判官蓋從杞等七人銜名據吳序云是集繡韻梓於三山郡庠亦旣獻之天府藏之祕閣北方學者猶未之見乃募僚屬捐已俸募印五十部散之江北諸郡云云據劉璵隱居通議云近大德歲間東宮有令下福州刊通志凡萬幾板然則此書是元初刻

於閩中繹摹印頒行記歲月於後非繹所刊也大字本每葉十八行行廿一字

集千家注批點杜工部詩集廿卷題須溪先生劉會孟評點前有大德癸卯劉將孫序序後有須溪劉氏將孫尙友父五木印

二印不識

杜工部年譜一卷目錄一

卷據序云先君子須溪先生平生婁看杜集旣選爲興觀他評論尙多批點皆各有意高楚芳類粹刻之復刪舊注無稽者泛濫者特存精確必不可無者求爲序以傳然則此本是高楚芳所編每卷後有補注刻葉末卷已缺係後人鈔補黑口板每葉廿二行行廿二字收藏有陸貽典墨蹟題識貴生堂印白文方

印凌氏云翼朱文方印起家二千石朱文方印陸貽  
典印白文方印人中爽白文方印敕先白文方印陸  
貽典名貽芬白文小方印敕先朱文小方印陸氏敕  
先收藏書籍白文方印

唐陸宣公集廿二卷目錄一卷前有權德輿翰苑集序  
本朝名臣進奏議劄子一篇唐陸宣公像至大辛亥  
厲一鶚序目錄後有題識云至大辛亥秋教官厲心  
齋奏總管王公子中命重新繡梓詳加校訂任其責  
者學正四明陳沆學錄毗陵蔣鵬孫路掾廬陵易偉  
也又有監督直學二吏姓名黑口板板心題苑十卷  
奏十二卷每葉廿二行行十九字

松雪齋文集十卷外集一卷行狀謚文一卷目錄一卷  
前有大德戊戌戴表元序後有戴氏率初木方印末  
有至元後己卯何貞立後序後有長沙何貞立印木  
長印正集後有至元後己卯沈璜跋稱松雪翁薨幾  
廿年今從公子仲穆求假全集與友原誠鄭君再加  
校正總五百卅四并公行狀謚文一卷目錄一卷合  
爲一十二卷亟鋟諸梓外集一卷則貞立所附刊也  
每葉廿四行行廿二字收藏有金陵顧謙字以牧圖  
書印朱文長印漱芳齋圖書印朱文長印新安汪氏  
朱文方印啟淑信印白文方印

明版

周禮十二卷每卷次行依注疏本小題在上大題在下  
下題鄭氏注三字前後無序跋每卷後俱注經若干  
字注若干字顧澗蘋文學以爲明嘉靖中翻宋本每  
葉十六行行十七字收藏有嘉平白文方印清修室  
主白文方印皆口堂印朱文方印芳草王孫白文方  
印

周禮十二卷次行題天官冢宰第一下題鄭氏注

餘卷仿此

前有目錄版式大小與前本無異唯此本兼載陸德  
明音義句讀俱有小圈每葉十八行行十七字

禮記廿卷每卷次行依注疏本小題在上大題在下  
下題鄭氏注三字每卷俱注經若干字注若干字每篇

分章俱用圈以別之與上周禮嘉靖翻宋本同時並  
刊前後無序跋每葉十六行行十七字

六書本義十二卷題餘姚趙古則編注前有綱領一卷  
圖一卷凡例一葉洪武十一年趙古則自序天台林  
右序洪武十三年鮑恂序始豐徐一夔序正德己卯  
盛希明重刊六書本義序綱領卷後有刊生趙仲彰  
五字據盛序此本是于氏器之所刊每葉小字廿八  
行行廿八字收藏有奕熊私印白文方印梅溪朱文  
方印

金石韻府五卷題毗陵朱雲時望輯篆雲間俞顯卿子  
如校正前有凡例古文所出書傳目錄嘉靖十年豐



坊序後有豐氏存叔南禺外史南崖口口三木印又  
俞顯謨序不題年月下有子昭父木印稱此書獨以  
繕本相傳予伯兄子如付之梨棗硃印本每葉十二  
行行字多寡不等

十二子書鬻子一卷題華州鄭縣尉逢行珪注前有鬻  
子序永徽四年逢行珪進鬻子表鄧析子一卷前有  
崇文總目及舊敘錄關尹子一卷前有劉向敘錄尹  
文子一卷前有山陽仲長氏序鬼谷子一卷外篇一  
卷前有長孫無忌上鬼谷子敘高似孫子略一條公  
孫龍子一卷題趙人公孫龍著小荀子一卷卽荀悅  
申鑒亢倉子一卷元眞子一卷題唐張志和撰天隱

子一卷前有唐司馬承禎序後有紹興壬午胡璉跋  
嘉定己卯王倫跋鹿門子一卷題唐皮日休无能子  
三卷前有序不題姓名此十二子不知何人所刊惟  
絳雲樓書目有此書宋諱俱有缺筆知多從善本翻  
雕每葉廿行行十九字收藏有錫山安國寶藏朱文  
方印季振宜藏書朱文小長印顧氏世藏朱白合文  
方印金之麒印白文方印呂莊頤印白文方印

性理大全書七十卷前有永樂十三年御製性理大全  
書序永樂十三年胡廣等進書表引用先儒姓氏纂  
修胡廣等銜名此書永樂十三年本與五經四書同  
修故序表俱稱二百廿九卷後人重刊是書仍取原

序表冠之御製序後有大明景泰乙亥仲冬書林魏氏仁實堂刊本長印黑口板每葉廿二行行廿二字北溪字義二卷附錄嚴陵廣義四篇目錄前題門人清源王雋編後學四明豐慶重刊前有莆田陳宓序此書宋時刊本有三一永嘉本一清漳本一四明本故所載詳略往往互異豐慶明正統己未進士官河南右布政黑口板每葉廿行行廿字收藏有祖詒之印白文方印子逸朱文方印

法顯傳一卷題東晉沙門法顯自記遊天竺事在釋藏兵字八號法顯以因治二年與慧景道整慧應慧崑等至天竺尋求戒律因記凡所遊歷卅國沙河已西

迄於天竺具敘本末酈道元水經注引此書明胡震亨刻本作佛國記每葉十二行行十七字卷後有聚寶門來賓樓姜家印行木長印

高僧傳十四卷題梁嘉祥沙門釋慧皎撰

弟二卷題梁會稽嘉祥寺

沙門慧皎撰

在釋藏輦驅二字號書分十例曰譯經曰義

解曰神異曰習禪曰明律曰遺身曰誦經曰興福曰經師曰唱導每僧各爲之傳始於漢明帝永平十年終至梁天監十八年凡四百五十三載二百五十七人又傷出附見者二百餘人三國志吳書孫皓以天紀四年三月降晉此書康僧會傳作四月通鑑宋文帝元嘉十年沮渠牧健改元永和此書浮陀跋摩傳

作承和與北史同皆足以資考證卷末有僧果跋梁末承聖二年太歲癸酉避侯景難來湓城甲戌歲二月捨化葬於廬山禪閣寺墓每葉十二行行十七字末卷後有聚寶門來賓樓姜家印行木長印

辨正論八卷題唐沙門釋法琳撰前有東宮學士陳子良序在釋藏陪字號書共十二篇晁氏讀書志云宣和中以其斥老子語焚毀其第二第四第五第六第八凡五卷序文亦有翦棄者此本八卷俱完其中徵引古書最多如鄭康成六藝論之類近時輯者皆未之見尤足以資考證每葉十二行行十七字卷後有聚寶門來賓樓姜家印行木長印

甄正論三卷題唐佛授記寺沙門<sup>元</sup>疑撰在釋藏輦字號此書託滯俗公子甄正先生答問仿桓寬監鐵論反覆辨難大旨屈老以申佛雖不及辨正論之博洽其文筆古雅詞藻富麗頗足相匹每葉十二行行十七字

集沙門不應拜俗等事六卷題因福寺沙門釋彥棕纂錄前有太原王隱容序在釋藏冠字號書分三篇故事篇皆集自晉迄隋致敬沙門等事議不拜篇皆集唐龍朔四年羣臣議沙門不應拜俗事議不拜篇又集羣臣議應拜俗者而糾彈之雖屬釋氏自尊其教所錄皆六朝唐人之文頗爲世所罕覩每葉十二行

行十七字卷後有聚寶門來賓樓姜家印行木長印  
新刊四明先生高明大字續資治通鑑節要廿卷題賜  
進士第潮陽蔡亨嘉校正次行有新刊二字而無銜  
名蓋坊間所刻也前後無序跋此本因四明陳桎通  
鑑續編刪節其要以別行各家皆未著錄末卷後有  
嘉靖壬戌季春新賢書堂新刊木長印每葉廿四行  
行廿六字

直說通略十卷前有成化庚子希古序下有梅雪軒唐  
國圖書兩本方印歷代帝王傳統圖一卷春秋戰國  
歸併圖一東晉十六國歸併圖一據序此書爲元監  
察御史鄭鎮孫撰取司馬溫公資治通鑑衍以俗語

幾近於鄙詞小說但宋人語錄多以俗語解經此書以俗語繹史亦無不可此本爲明唐藩所刊核其時代當爲莊王芝址史稱其與弟芝境芝坻竝好古有令譽希古或其字也黑口版每葉廿行行十八字

東萊先生音注唐鑑廿四卷題承議郎行秘書省著作佐郎騎都尉賜緋魚袋臣范祖禹撰朝奉郎行秘書省著作佐郎兼國史院編修官兼權禮部郎官臣呂祖謙注前有范祖禹唐鑑序元祐元年進唐鑑表又同時上太皇太后表唐傳世紀年圖二明因治十年白昂重刊唐鑑序范氏原書本十二卷晁氏讀書志作廿卷疑十二之誤此本作廿四卷又不知分於何



時黑口板每葉十八行行十八字收藏有黃復之印  
白文方印習夫氏白文方印張雋之印朱白文方印  
一字文通白文方印

劉向古列女傳八卷前有嘉祐八年王回序又有曾鞏  
序舊本目錄前七卷俱有頌此本別刊在前舊本目  
錄後有嘉定七年蔡驥跋此本亦刊在前而削去年  
月姓名未審其故每傳前俱有圖卷五後又增出魏  
氏上谷士人趙天民妻一傳稱課其子璦以易補庠  
員有司以事聞於朝坊表爲節孝婦朝字跳行當爲  
明以後人所刊以其繪刻精工流傳希少錄而存之  
每葉廿行行廿字

初學記三十卷題唐集賢學士徐堅等撰目錄一卷題唐光祿大夫行右散騎常侍集賢院學士副知院事東海郡開國公徐堅等奉敕撰分作兩行明代初學記有桂坡館九洲書屋寧壽堂刊本俱從一本翻雕故行款大小俱同此本板心上方有黑板未刊亦當有標題此疑其未刊完初印本耳或云晉藩所刊雖與寧壽堂本同而謫字較少每葉十八行行十八字新增直音說文韻府羣玉廿卷題晚學陰時夫勁弦編輯新吳陰中夫復春編注前有滕玉霄姚雲趙孟頫陰竹埜陰勁弦序俱與前元版相同此卽陰氏韻府羣玉與元板無異惟每韻之前新增音釋未知何人

所加目錄上平聲下注云新增一東宗風戎四韻并  
新序首八十板當是重刊人所記卷後有嘉祐乙丑  
劉氏重刊木長印作人抱式祐字微有剝痕是書賈  
作僞以充宋槧不知撰書人之在元時也黑口板每  
葉廿二行行小字廿九字

類聚古今韻府續編四十卷題後學青田包瑜編輯前  
有<sub>因</sub>治十二年張時敘序<sub>因</sub>治十二年潘琴序韻府  
續編凡例正德癸酉周禮序張時敘序後有正德丁  
丑書林安正堂劉宗器題識末卷後有正德丁丑仲  
秋京兆劉氏安正書堂新增槧行木長印此本元陰  
氏韻府羣玉原編明包氏改依洪武正韻增添至四

十卷故稱續編佩文韻府本此而增廣之黑口板每葉廿二行行廿九字收藏有嘉興吳萬里氏印朱文方印

陳伯玉文集十卷附錄一卷標題目錄俱同前本前有  
因治四年張頤序後有因治四年楊澄跋筆畫放縱  
是後人重刊之本黑口板每葉廿二行行廿一字

陳伯玉文集十卷附錄一卷題新都楊春編射洪楊澄  
校後空三行前有陳伯玉文集序末葉年月姓名已  
缺目錄亦分前後集感遇詩卅八首每首俱有注爲  
前兩本所無每葉十八行行十八字

龍川先生文集卅卷題晉江後學史朝富編刻惠安後

學徐鑑校正前有嘉泰甲子葉適序紹熙四年陳亮  
誥龍川先生像贊宋史藝文志陳亮集四十卷外集  
詞四卷葉序云子沈聚爲四十卷此本作卅卷是明  
人重編刊於閩中者每葉廿行行廿二字

多能鄙事十二卷題括蒼誠意伯劉基類編前有嘉靖  
十九年魯軒序嘉靖癸亥范惟一序稱刻于汝南書  
分飲食服飾器用百藥農圃陰陽六類黑口巾箱本  
每葉廿四行行廿三字有朱筆依舊本校字

舊寫本

文苑英華一千卷前有纂修文苑英華事始嘉泰四年  
周必大序每卷後有登仕郎胡柯鄉貢進士彭叔夏

校正

洪頤煊曰歐陽文忠集周益公序本每卷後有校正胡柯所作末有題名云紹熙五年郡人登仕郎胡柯字伯始彭叔夏亦

廬陵人皆周益公門下士末卷後有新差充筠州

臨江軍巡轄馬遞鋪王恭點對兼督工一行此本猶

從嘉泰刊本影寫德州繁露書院所藏有汲古後人

毛扆手校鈔本廿卷

卷三百卅一至卷三百五十一

核之俱與此本

相同惜中多闕卷書賈往往割一卷爲兩卷以充全

數前後倒亂未爲全璧然其佳處迥非隆慶刊本所

可及也大字本每葉廿行行廿字

會通館印正文苑英華辨證十卷前有嘉泰四年彭叔

夏序宋本文苑英華每卷本附辨證此則其單行本

也據叔夏序云考訂商榷用功爲多散在本文覽者

難徧因會粹其說以類而分各舉數端不復具載小  
小異同在所弗錄元注頗略今則加詳其未注者仍  
附此篇故與附刊英華後者詳略不同洪頤煊曰周  
益公文苑英  
華序云始雕於嘉泰改元春至四年秋訖工此編序  
末題嘉泰四年冬十有二月己丑朔鄉貢進士廬陵  
彭叔夏謹識則此編作於英華刊  
成之後故異同詳略不復追改

李元賓文集六卷補遺一卷題隴西李觀前有大順元  
年陸希聲序末附錄韓愈北極贈李觀詩一首李元  
賓墓銘一首舊唐書文藝傳一首 四庫全書所收

李元賓文編三卷陸希聲序外編二卷題蜀人趙昂

編與晁氏讀書志同

郡齋讀書志李觀文編三卷外  
集二卷云陸希聲大順中編觀

文爲之序其後蜀人趙昂又得其安邊  
書至晁錯論一十四首爲後集二卷

此本分雜著

三卷書三卷補遺一卷共五十一篇內闕五篇未知  
爲何人所編洪頤煊曰徐居仁集千家注杜工部詩  
敘錄有李觀補杜子美傳一首文苑英  
華有李觀通儒道說一首常州軍  
事判官廳壁記一首此集俱不載收藏有王鳴盛印  
白文方印鳳喈朱白合文方印通議大夫朱文方印  
光祿卿之章白文方印

白石道人詩集一卷題鄱陽姜夔堯章前有夔自序二  
首不題年月姓名序後有臨安府棚北大街陳宅書  
籍舖刊行十四字知從宋本影寫附補遺一卷末有  
俞蘭跋引王漁洋香祖筆記是近人所附每葉廿行  
行十八字

四明文獻集五卷題後學鄭真輯末有陳朝輔跋王深



寧集本一百卷宋志不著錄其亡已久此本乃明人所編非完書也收藏有歸求草堂訂本朱文長印嚴長明校藏印朱文長印

湛然居士文集十四卷題中書令移刺楚材晉卿前有癸巳年李徵孟攀三鄰王序甲午年行秀序元史本傳耶律一作移刺蓋譯語之異王鄰序稱外省官府得居士文集古律詩雜文五百餘首分爲九卷特命良工板行於世此本作十四卷又以雜文錯入詩中疑非原編

寫本

九經疑難四卷目錄題樵陽張文伯正夫編前有張正

夫序不題年月目錄春秋前有題云紹興甲子朝廷  
兼經先君鱣堂用春秋連取首選卷三云孝宗皇帝  
淳熙八年臨軒策士則其人當在孝宗以後目錄本  
十卷今僅存總敘周易尚書毛詩四卷

集篆古文韻海五卷前有宣和元年杜從古自序此書  
諸家皆不著錄其所載古今皆不記出處亦無可攷  
證陶九成書史會要杜從古字唐稽官至禮部郎宣  
和中與米友仁徐鉉同爲書學博士

續古篆韻六卷題魯郡吾衍編集讀書敏求記有趙靈  
均手鈔本所集皆石鼓詛楚比干盤泰山繹山諸刻  
字分韻編之末卷所載皆疑字薛本石鼓第七百封

合孫衍旣據真本以訂薛本增入孫字之誤而所摹  
百合二字又與今世搨本迥然不同疑傳寫譌闕非  
其考訂之疏

通園真經十二卷題默希子注前有默希子序在道藏  
壁字號新唐書藝文志天寶元年詔號文子爲通園  
真經選舉志云開元二十九年始置崇園學習老子  
莊子文子列子課試如明經漢書藝文志文子九篇  
此本自道原至上禮凡十二篇與隋書經籍志同陳  
氏書錄解題云默希子唐徐靈府自號也注作於元  
和四年經八稔而後成

列仙傳二卷題漢光祿大夫劉向撰在道藏海字號自

赤松子至園俗七十人人爲之傳傳各有讚後又有  
總讚明吳琯古今逸史刊本每傳後無讚此本有館  
閣書目續博物志俱作七十二人此本較宋本尙少  
二人洪頤煊曰漢書郊祀志應邵注引列仙傳崔文  
明一條俱與今本絕不相同世說新語規箴篇注東  
方朔列仙傳作楚人今本作平原厭次人此非劉向  
所撰原本

漢武帝內傳一卷不題作者姓名在道藏海字號隋書  
經籍志作三卷唐志作二卷記漢武帝見西王母事  
陸德明莊子釋文李善文選注俱引之俗本脫園靈  
二典十二字及朱雀窗一段此本俱完與讀書敏求  
記所見孱守居士空居閣校本同

漢武帝外傳一卷不題作者姓名在道藏海字號此書  
隋唐志不載唐宋類書亦無引及者唯讀書記有之  
洪頤煊曰後漢書方術傳注引魯女生封君達東郭  
延年王真事俱作漢武內傳此卽內傳之下卷由編  
者不知而誤書記武帝止三條餘淮南王李少翁公  
孫卿魯女生封君達李少君東郭延年薊遼王真劉  
京凡十人

意林五卷題扶風馬總元會編在道藏瑟字號前有貞  
元二年撫州刺史戴叔倫序貞元丁卯柳伯存序此  
本與今世刊本多不同中論路不險以下十三節此  
本在物理論傳子曰聖人之道一節下莊子舜讓天  
下於子州支伯以下十四節此本題作王孫子至於

節次前後字句脫落尤不可枚舉

大宋寶祐四年丙辰歲會天萬年具注歷一冊前有太史局劄子後有寶祐三年十月靈臺郎鄧宗文成永祥二人銜名卷末又有荆執禮楊旂相師堯譚玉鄧宗文等五人銜名會天歷初名顯天淳祐十二年太府寺丞張湜祕書省檢閱林光同師堯譚玉推算寶祐改元定名曰會天此丙辰歲歷是譚玉等依法算造洪顯煊曰周密癸辛雜識寶祐四年節氣四月四日立夏此歷在三月八日白露此歷在七日九月九日寒露此歷在十日十二月十二日小寒此歷在十一日豈所據別歷抑小說家傳聞之謬邪

向爲崑山徐相國所藏後有朱彝尊跋

黃帝龍首經二卷在道藏薑字號前有序稱黃帝將上

天次召其三子而告之三子拜受而起龍忽騰翥三子仰瞻尙見龍首遂名其經曰龍首凡七十二章隋書經籍志有此書顏氏家訓云吾嘗學六壬式得龍首金匱玉輅玉燮玉歷十許種書則此書之傳世久矣

黃帝金匱玉衡經一卷在道藏舊字號前有序皆作四字韻語金匱章經十條玉衡章十條皆論天乙六壬發用

黃帝授三子元女經一卷在道藏舊字號皆雜論六壬占斷大旨與龍首經相同以上三書余竝刊入平津館叢書中

通甲符應經三卷前有宋仁宗御製景祐遁甲符應經  
序永樂甲午巽曳耑序其書本宋景祐中司天春官  
正楊惟德等奉敕編纂明永樂十二年命工刊行後  
附起例一卷陳氏書錄解題作景祐遁甲玉函符應  
經二卷遁甲書此爲最古後人增刪亂其術矣

輿地廣記三十八卷此書本宋歐陽忞撰 四庫全書  
本前有政和十一年歐陽忞序此本無之忞爲歐陽  
修從孫宋史藝文志有歐陽忞巨鰲記五卷晁氏讀  
書志謂實無其人乃著書者所假託非也庫本卷二  
卷十二闕葉前後闕字此本俱與之同卷十九後有  
嘉泰甲子郡守譙令憲重修淳祐庚戌郡守朱申重



修兩行

別卷後有淳祐庚戌一行

每葉廿六行行廿四字

史載之方二卷上卷末有跋云載之治病用藥初不求異審證精切不過三四服立瘳此皆親試而得之非敢夸大其說云云宋史藝文志史載之方二卷不詳何時人施彥清北窗炙輠錄稱史載之曾以紫苑治蔡元長大腸祕固得名則北宋年人也每葉廿二行行十七字

陳氏小兒病源方論四卷題太醫陳文中述第二卷又題鼇峯熊宗立類正前有寶祐甲寅鄭全序稱文中宇文秀宿之符離人金亡歸宋處漣水十五年遇人無小大識與不識皆稱之第四卷有痘瘡引證十四

條每葉廿二行行廿一字

穆天子傳六卷題晉郭璞注在道藏海宇號前有晉荀勗穆天子傳序至正十年王漸序此本與今世所行漢魏叢書本無大異同惟末卷多未刻字又闕曰口祀大哭以下并注廿字

疑獄集前集一卷題中書令右僕射平章事魯國公和凝集後集一卷題將仕郎守太子中允和嶠集前有嶠自序至元十六年杜震序續集二卷題巡按浙江監察御史張景集李崧祥序附錄許襄毅公異政一卷前有嘉靖四十三年李濂序遲鳳翔序後有嘉靖四十四年朱大器跋晁氏讀書志疑獄三卷晉和凝

撰纂史傳決疑獄事其上卷疑書也下中二卷疑子  
嶸所續至元十六年杜震序而刊之明嘉靖間遲鳳  
翔又以張景續集并許襄毅異政合刊爲一書 四  
庫全書所收疑獄集四卷附張景補疑獄集六卷在  
此本之前

新刻平冤錄一卷題錢唐胡文煥德甫校前後無序跋  
據無冤錄羊角山交序此書在洗冤錄後無冤錄前  
當亦宋元閒人所撰自檢復至發冢四十三類 四  
庫全書不著錄

新刻無冤錄一卷題錢唐胡文煥德甫校前有洪武十  
七年羊角山交序稱東甌王氏作據 四庫全書所

收本是元王與撰永樂大典有自序一篇題至大改元之歲此本無之庫本作二卷此本併作一卷

唐大詔令集一百三十卷前有熙寧三年宋敏求序此本爲其父綬原編未次甲乙亡後敏求重爲緒正釐十三類總一百卅卷錄三卷此本無錄 四庫全書所收本中闕卷第十四至二十四八十七至九十八廿三卷此本闕卷正同宋諱字俱缺筆知從宋本影寫故視別本爲完善

支遁集二卷題東晉沃州山沙門支遁前後無序跋上卷詩十八首下卷書銘讚十五首錢曾讀書敏求記有此書遁所著有文翰集十卷見梁高僧傳今不傳

此是後人掇拾之本

外藩本

高麗史一百廿七卷影寫本題正憲大夫工曹判書集  
賢殿大提學知經筵春秋館事兼成均大司成臣鄭  
麟趾奉教修前有景泰二年鄭麟趾等進高麗史箋  
纂修高麗史凡例修史官卅二人銜名高麗世系一  
卷目錄二卷書分世家四十六卷志卅九卷表二卷  
列傳五十卷每卷俱小題在上大題在下書紀高麗  
王氏一代事始于中國後梁貞明四年終明洪武廿  
六年共二百七十五年高麗俱用中國年號宋時亦  
閒用遼金其自改元者唯天授十六年光德二年耳

補遺

三

是書以明景泰二年八月表進并鏤板行於國朱竹  
垞有鄭麟趾高麗史跋四庫全書所收僅殘帙二  
卷在存目中

平津館鑒藏記書籍補遺終

平津館鑒藏記書籍續編

陽湖孫星衍撰

江寧陳宗彝校

宋版

周易兼義九卷題國子祭酒上護軍曲阜縣開國子臣孔穎達奉敕撰正義第三行題王弼注繁辭以下題韓康伯注上經乾傳第一等字俱與大題相連前有孔穎達周易正義序并八論末附陸德明周易音義一卷王弼周易略例一卷審其紙版當出於南宋閩中所刊比初六有他吉此本他作它大有九四象明辨晷也此本晷作晷皆唯宋本爲然洪頥煊曰此本抱經堂所見宋本異大有匪音義徐音同盧云宋本作俗音同此本作徐賁音義鄭云變也盧云宋本作

有也此本作變音義說文云睽不相視也虛本視作聽云據宋本正此本作視黑口版每葉廿行行廿字內有後人補刊葉版心有懷浙胡校林重校等字收藏有朱彝尊印白文方印竹垞老人朱文方印

中說十卷題阮逸注前有阮逸文中子中說序文中子纂事一爲世系一爲年表此卽巾箱本六子之一種而摹印較在前黑口版每葉廿二行行廿一字收藏有王氏益夫朱文方印東齋書印朱文方印王謙朱文方印南陽叔子苞印白文方印二泉朱文方印葉氏藏書朱文方印

類編朱氏集驗醫方十五卷題湘麓朱佐君輔集前有



咸淳元年朱景行序此書諸家皆不著錄分十五門  
餘皆依類附之其類集藥方皆出於近時人所製古  
方皆不入錄黑口板每葉廿二行行廿二字收藏有  
武林高瑞南家藏書畫印朱文長印妙賞樓藏朱文  
長印高氏鑑定宋刻版書朱文長印閩中陳開仲芸  
榭藏書朱文方印張氏秋月字香修一字幼憐朱文  
方印石谿嚴氏芳椒堂藏書白文印

新刊名臣碑傳琬琰之集上廿七卷中五十五卷下廿  
五卷題眉州進士杜大珪編前有紹熙甲寅序稱國  
朝人物之盛自建隆乾德之肇造建炎紹興之中天  
因時輩出好事者因集神道誌銘家傳云著者爲一

編序非大珪作也宋藝文志晁氏讀書志陳氏書錄  
解題俱無此書每葉卅行行廿五字收藏有棟亭曹  
氏藏書朱文長印曹仁虎印白文方印來應習庵朱  
文方印長白敷槎氏堇齋昌齡圖書印朱文方印

元版

書經集注十卷題蔡沈集注前有嘉定己巳蔡沈序末  
附書序據沈自序四代之書分爲六卷宋藝文志晁  
氏讀書志天一閣天祿琳琅藏本蔡沈書集傳俱  
作六卷此本改集傳作集注六卷作十卷每句皆作  
小圈讀法或作連圈欽愼徧恤中止等字間作大圈  
標出當是坊間重刻本書中亦附鄒近仁音釋黑口

巾箱本每葉十八行行十七字收藏有晉府書畫之印朱文方印櫟園賞鑑圖書朱文方印

圖繪寶鑑五卷補遺一卷題吳興夏文彥士良纂前有至正乙巳夏文彥序據汲古閣刊本尚有抱遺老人楊維禎序此本失之汲古閣本第一卷謝共謔作謝恭第二卷李祝謔作李枳又補遺與明芮巽齋續補并爲一卷又脫寒溝漁人一條皆不及此本黑口巾箱本每葉廿二行行廿字收藏有沈鍊之印白文方印夢山朱文方印王履約白文方印

春秋胡氏傳纂疏卅卷題新安汪克寬學

弟一卷弟一葉寫補此据

卷二前有引用諸儒姓氏先儒格言又有春秋胡氏

傳附錄纂疏凡例後有汪克寬自序至正辛巳虞集  
序至元四年汪澤民序後有汪氏叔志天禧光祿五  
世孫新安世家三木印末有至正八年吳國英跋其  
書以胡氏傳爲主雜引各家之說以疏證之黑口板  
每葉廿二行行廿字收藏有衣谷居士白文方印藉  
口園本白文方印文德之口朱文方印

明版

埤雅廿卷題中大夫守尚書左丞上柱國吳郡開國公  
賜紫金魚袋陸佃撰前有宣和七年男宰序每卷後  
皆有音釋別本釋文後有後缺二字此本無之胡文  
煥格致叢書本似從此本翻刊黑口板每葉廿行行

廿字收藏有張照之印白文方印張得天白文長印  
筏喻白文長印靜香朱文方印

重修政和經史證類備用本草卅卷題成都唐慎微續  
證類中衛大夫康州防禦使句當龍德宮總轄修建  
明堂所醫藥提舉入內醫官編類聖濟經提舉大醫  
學臣曹孝忠奉敕校勘每卷題下有己酉新增衍義  
六字前有政和六年曹孝忠序所出經史方書三葉  
目錄一卷又有金泰和甲子晦明軒刊書碑式木記  
一葉末有嘉祐閒掌禹錫等補注本草奏敕并圖經  
本草奏敕次政和閒校刊證類本草各官銜名字文  
虛中劉祁二跋此本又從泰和本翻雕 天祿琳琅

有此書唯失曹孝忠序一篇大版每葉廿四行行廿  
三字收藏有陸口之印朱文方印

重刊經史證類大全本草卅一卷題春穀王秋損貲命  
男大獻大成全校錄目錄一卷題唐慎微纂前有大  
觀二年艾晟經史證類大觀本草序下有大德壬寅  
孟春宗文書院刊行木印又有政和六年寇宗奭劄  
付嘉祐間補注本草奏敕圖經本草奏敕末有王大  
獻重刊本草後序年月銜名已佚此本亦附寇宗奭  
衍義每卷題下無己酉新增衍義六字第卅一卷爲  
本經外草類亦政和本所無據後序此在成化原傑  
刊本之後大版每葉廿四行行廿三字收藏有高淳

孔氏耕餘堂印朱文長印孔繼先次歐氏原字體祖  
朱文方長印

溫隱居備急海上仙方一卷次行題病源新括鼈峯熊  
宗立重編前有保義郎差充殿前司提點諸班醫藥  
飯食口口劑局監收買藥材官溫大明序又題用藥  
須知宋藝文志有無名氏用藥須知一卷未知卽此  
書否書分七十七證前爲詩括後爲解釋題宗立重  
編則已非溫氏之舊也宗立字道軒建陽人永樂中  
劉剡之門人有傷寒運氣全書十卷傷寒活人指掌  
圖論十卷見明史藝文志黑口版每葉十八行行十  
七字收藏有朱彝尊白文方印五湖風月白文方印

南唐書卅卷前有馬令南唐書序又有崇寧乙酉馬令  
序 四庫全書本明陳仁錫刊本俱無此二序据令  
自序是其祖元康舊稿令續成之目錄張巒傳亡卷  
七從慶傳亡從信傳亡皆是稱當時史官之闕非後  
人傳寫此書之亡也此本字畫工整勝於陳刊本多  
矣每葉廿行行廿字收藏有朱氏家藏朱白文方印  
方初朱文方印

資治通鑑節要廿卷題少微先生纂述松鳴王逢釋義  
仁齋劉剡增校木石山人補注續資治通鑑節要卅  
卷題先儒陳桎纂述中和處士釋義木石山人校正  
資治通鑑外紀節要五卷題眉山史炤音釋鄱陽王



輯義蕭山張維翰箋注餘杭周禮校正前有釋例一卷通論一卷讀法一卷引用姓氏一卷目錄一卷正德四年劉吉序末有正德己巳歲京兆慎獨齋校正新刊木長印後跋一篇年月姓名已佚據劉序此本是建陽劉因毅所刊巾箱本每葉廿六行行廿二字上有音訓旁有圈點收藏有見侯氏白文方印

大學衍義四十三卷前有西山先生經進大學衍義一卷真德秀進大學衍義表中書端平元年門下省時政記房申狀尙書省劄子又有德秀自序每卷後有校正人姓名細審爲元仿宋刊本亦有明人補刻葉而無題識天祿琳琅所收卽此本也黑口巾箱每

葉廿二行行廿一字

增修詩話總龜前集四十八卷後集五十卷題龍舒散  
翁阮閱宏休編皇明宗室月窗道人刊鄱陽亭梧程  
琬舜用校前有嘉靖甲辰張嘉秀序李易序末有嘉  
靖乙巳程琬跋末卷後有寫書刊字人姓名舒江阮  
閱撰此書見胡仔苕溪漁隱叢話序此本爲月窗重  
編已非阮氏之舊 四庫全書所收卽此本也每葉  
廿二行行廿二字收藏有林汲山房藏書朱文方印  
舊寫本

道命錄十卷前有嘉熙三年李心傳序後有秀巖木方  
印伯微父木方印末有淳祐十一年朱申跋後有朱

申木方印制置茶院之裔木方印程伊川朱晦庵進  
退始末及張南軒呂東萊諸公證議本傳作五卷此  
本作十卷又續增淳祐元年及元至正廿二年制詞  
十一首据 天祿琳琅藏本是程榮秀所併元至順  
四年刻於龜山書院前有榮秀序此本失之每葉廿  
八行行約廿四五字

晏元獻公類要卅七卷前有總目無序跋據歐陽文忠  
所撰晏殊神道碑稱類集古今爲集選二百卷曾南  
豐序稱上中下帙七十四篇宋史本傳陳氏書錄解  
題作一百卷 四庫全書所收亦一百卷前有四世  
孫晏袤進書表

洪頤煊曰晏袤宋史無傳漢鄒君修  
斜道碑有南鄭令晏袤釋文并碑陰

題記即其人

此本卅七卷與兩淮所進本同書中有四世孫表補注卷數門類參差不齊是亦殘缺之證每葉十八行行廿字收藏有林汲山房藏書朱文方印傳之其人白文方印

隸續廿一卷末有乾道三年弟邁序淳熙六年喻良能跋廿卷後有洪景伯自記前有朱竹垞金風亭長題

字稱此當琴川毛氏舊鈔本今浙中樓松書屋刊本

卽從此本翻雕

洪頤煊曰據喻良能跋此書止十九卷然以家景伯自記考之云隸釋有

續前後廿一卷乾道戊子始刻十卷於越淳熙丁酉姑蘇范至能增刻四卷於蜀後二年書山李秀叔又增五卷於越明年錫山尤延之刻二卷於江東倉臺而輦其版合之越喻良能作跋僅得秀叔增刊本題淳熙六年可證其時尙有二卷尤延之未刻近人因喻跋卷數不合因疑二卷是後人闕入誤矣字

句無大異同有朱筆校錄諸家碑跋甚詳細審筆蹟  
似王西莊光祿書收藏有竹解心虛是我師朱文方  
印

寫本

說文解字十五卷題漢太尉祭酒許慎記銀青光祿大  
夫守右散騎常侍上柱國東海縣開國子食邑五百  
戶臣徐鉉等奉敕校定每卷分上下又前有標目一  
卷俱與汲古閣毛氏本同此王蘭泉少寇所藏余影  
寫得之其與毛氏異者標目卷八臥身身衣四部在  
重下裘上玉部珣字注毛本一曰玉器此本作一曰  
器一部中字注毛本和也此本作而也而蓋內字之

調牛部牯字注毛本周書曰今惟淫舍牯牛馬此本作周書曰今惟牯牛馬此類異同甚多小字本每葉廿行行大字十六字小字約廿五字

錢氏小兒真訣四卷題門人閻季忠集後學薛鎧校注陳氏書錄解題錢氏小兒藥證真訣三卷太醫丞東平錢乙仲陽撰宣教郎大梁閻季忠集上卷言證中卷敘嘗所治病下卷爲方季忠亦頗附以已說且以劉斯立所作仲陽傳附於末此本分作四卷又無仲陽傳已非閻氏舊本明薛已薛氏醫案稱訂定舊本附以已說者有錢乙小兒真訣四卷然則此本注中稱薛按者是其父薛鎧所注稱愚治者又薛已所補

前有序不題年月姓名釋其文義亦已作也鎧因治時官太醫此本余從天一閣寫得之

急救仙方十一卷前有徐守真序云分以三類末附雜病三類者婦科折損疔瘡也在道藏惻字號宋志及諸家書目俱未載此書唯焦氏經籍志有之 四庫全書所收止六卷本無守真姓名

伊尹湯液仲景廣爲大法四卷前有甲午古趙王好古題辭稱伊尹湯液人莫之知仲景所廣之書十卷世又未聞予故纂此一書則此本爲好古撰錢氏讀書敏求記有此書

大明實錄六冊不著撰人名氏前後無序跋載明太祖

初生及乙未起兵至洪武廿三年五月止中缺洪武  
九年至十六年止蓋亦殘缺之本此與成祖實錄余  
從天一閣寫得之明史藝文志焦氏經籍志王圻續  
文獻通考俱不載

明成祖實錄九冊不著撰人姓氏前後亦無序跋卷首  
空五行不解其意起洪武卅五年十月終永樂廿二  
年十二月洪武卅五年爲建文四年當時不以建文  
元故仍以洪武繫之建文元年七月燕王起兵四年  
六月靖難兵入京師燕王卽皇帝位此冊前尙有關  
佚

唐太宗文皇帝集一卷題淮海朱應爲訂梓前有嘉靖



戊子聞人詮序末有因治甲子都穆題識稱此本得  
之邊太常廷實館閣書目又有文皇詩一卷凡六十  
九首今以此詩攷之正符是數

平津館鑒藏記書籍續編終

續編

十  
卷

跋

此書標目題平津館鑒藏記書籍卷一則書籍蓋鑒藏之一類平津館收藏碑版字內號稱富有平津館讀碑記洪詒孫已有專書至書畫數跋錄遺稿中意其時必欲次第編之而未逮也敘言此書撰於參藩東省駐節安德時家園藏書才十之四五爲記以備攷則前三卷也言此外家藏舊版尙有可觀俟歸里後續爲後編則後二卷也言擬以善本及難得本彙請名大府進御存其贍本藏於家祠不爲己有則編錄以佐稽古右文之治固猶不忘太史之職也惜身後善本悉爲狡獪之徒多方賺去幸此記稿本尙存其家曩歲丙申從公

子竹康假歸錄存冀異日刊版以傳且與海內藏書家  
據此攷證古籍而此輯錄之深心不致泯滅云道光歲  
三豕九月中旬金陵後學陳宗彝校畢記於獨抱廬

道光庚子三月  
獨抱廬刊

丙辰正月所收

卷一